



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

III. De vita & honestate Clericorum, nec non damnabili Simoniae vitio &  
usurarum.

**urn:nbn:de:hbz:466:1-14298**

Sub eadem poena , nolumus , ullum etiam secularis , testamentorum & causarum earum occasione , sc de earundem cognitione quovis modo intromittere ; sed earum , & piarum dispositionum , tam in ultimā voluntate , quam inter vivos , cognitio ad Nos Notrūque Officiale remittenda erit . Clericorum autem Testamentorum insinuationes & approbationes intra dies trīginta à morte Clerici peti volumus , ab iis , ad quos id de jure vel consuetudine spectat , ac obtineri , sub poena interfaci .

Nostrō etiam erigendo & habendo Seminario , ut Clericorum quilibet pio legatorum jure , pro modo facultatum suarum , concurrat , mandamus , sub poena congruae ex hereditate subtrahendae quantitatis .

Vtque piarum dispositionum certa habeatur notitia ; sub poena suspensionis ab officio , teneatur Notarius quilibet Testamenta vel pia legata , ac pias donationes etiam inter vivos factas , intra menses tres Nobis aut Nostrō Officiali denunciare . cuius decreti tenorem , lingua vulgari versum , propediem promulgabimus .

### D E C R E T U M III.

#### *De vita & honestate Clericorum , nec non damnabili Simoniae vito & usurarum .*

**D**ierum crescente malitia , Clericorum vitam & mores , cum suspiriis vidimus , currere in deteriora ; siquidem alias habitu milites , alias immunditia communes , alias exquisita nimium deliciae coemptas feminas offendimus . propter quod , justa indignatio ne commoti , omnes & singulos ferio in Dominō hortamur , ut , vita inculpatiore , omnibus bono exemplo praelucere studeant ; vestibus utantur nigris ; Prelati , si voluerint , violaciis , pallio usque ad talos proteno , ac tunica ad minimum ultra genua defluente ; absit forma peregrina ; vanitas ac curiositas nulla notetur ; materia , status qualitatem non exceedat ; tibialibus non nisi nigris utantur ; a collaribus rugatis & acupictis abstineant ; itinerariae vestes usque ad luras sint protractæ ; non vagis oculis , non effreni lingua , aut petulant tumidoque gressu incedant , sed pudorem , & verecundiam mentis , simplici habitu incessu que , ostendant ; cœtibus non misceantur , ubi amatoria & turpia cantantur , aut obseceni motus corporum , choreis & saltationibus efferuntur ; domesticæ vero vestes ac interiores statui Clericali convenientes sint ; ac corona , in illis qui breve alunt capillitium , singulis quindenisi , in aliis autem , singulis duntaxat mensibus , renovetur .

A commissariis & ebrietatibus omnes

cessent ; tabernas nulli , nisi in itinere constituti , necessitatibus gratia , ingrediantur . ab alearum , gladiorum , hastarum , aliorumque lusuum , de jure prohibitorum , exercitio prorsus abstineant . negotiationibus , quæstus gratia , nulli occupentur . Laicis non inferviant ; arma non portent .

Omnibus & quibuscumque Clericis serio etiam præcipimus , ut ab omni concubitu , aut quavis immunditia , abstineant ; nec ullam post hac cum Focariis conversationem aut colloquium , quovis quæsto colore aut prætextu , habeant ; sub poena privationis beneficiorum suorum , ipso facto incurrienda , aliquique arbitrii , Nobis , contra immorigeros & inobedientes , reservatis .

Si qui vero in ante hoc crimine sint notati , eos paterne monemus , quatenus ad Dominum , abs quo fornicati sunt , redeant , nec non , in signum manifestæ emendationis , intra novem dierum spatiū post præsentium publicationem , quorum dierum tres pro primo , tres pro secundo , & tres pro tertio & peremptorio termino , iis præfigimus , suas Focarias aut Concubinas à se & earum cohabitatione prorsus removeant , ac earum frequentationem ac contubernia fugiant , nec ad se denuo , sub quavis ratione , accedere permittant . quas & Nos , extra Civitatem intra dies quatuordecim sequentes , in Civitate vero intra mensis spaciū extra urbem , & unā dietā minus à loco , relegamus , poenā Nobis arbitrari contra contumaces reservatā . Nolumus etiam , qui incontinentie notā notati fuerunt , quod ad officium aliquod posthac admittantur , aut tolerentur , nisi Nostrō speciali consensu accedente . Concubinas etiam , nisi paruerint , casta aut publicā infamia notari & ex Diœcesi Nostra relegari faciemus .

Grandi quoque desiderio cupientes , ut hujusmodi immundi ac dannati criminis perpetua , quantum fieri potest , aboleatur memoria ; volumus , ut suorum illegitimorum abstineant præsentia , tam privatā quam publicā ; carnales suas filias , à se abdicantes , ac in probatorum hominum honesta servitia vel curam demandantes ; de cætero , casto Domino , casto corde & mundo corpore , fideliter servientes . Et , quia propria diligentí inquisitione , Concubinariorum , Clericorum , & maxime Presbyterorum filios , contra Canonicas sanctiones , in patrum beneficiis constitutos , invenimus ; districte mandando præcipimus , ne deinceps Clericorum filii in beneficiis patrum , aut alii quibuscumque , in Nostra Diœcesi , ministrare præsumant ; alioquin ei beneficia , tanquam contra juris dispositionem occupata , ex tunc in ante vacare decernimus , & eorum collatoribus licentiam , talia idoneis conferendi , assignamus ; nisi cum eis à sancta Sede Apostolica desuper dispensatum fuerit : Clericorum

rum filii, & aliis illegitimè matis, beneficiatis, Nostrarum civitatis & Diocesis, injungentes, ut, infra mensem à publicatione præsentium, de suis dispensationibus, tam super eo, quod in Ecclesiis patrum ministrare, succedere, & in eis beneficia obtinere valeant, quam super defecitibus suis, & pro obtinendis uno vel pluribus beneficiis, à Sede prædicta obtentis, coram Nobis vel Nostro Vicario fidem faciant.

Detestabile Simoniae crimen, quod hac in Diocesi Nostra (prò dolor) fatis invaluit, quam longissime proscriptum volumus. Quapropter omnes & singulos, quicunque, pecunia aut pactio illicita interveniente, etiam si hoc, paterna cupiditate, filio in ætate minori existente, à patre factum sit, beneficia Ecclesiastica venderunt & adierunt, tam ad restituendum accepta, quam dimittendum adepta, esse obligatos, declaramus, & hac Constitutione, sub poena parate executionis, teneri, reservata Nobis ordinatione, statui dimittentium convenienti, renunciatione & missione prævia. Et, ne de cætero tam iniqua Nos offendant, sub poenis, sacris Canonibus comprehensis, hoc detestabile crimen damnamus, & autores secundum eos secure castigari faciemus; irritum & inane declarantes, quicquid de cætero in Ecclesiasticis, vel data vel promissa pecunia, sub quoconque colore acceptum vel possestum fuerit. Hujusmodi Simoniacalabe infectos, juxta juris communis præscriptum, non solum beneficiis ac officiis omnibus, verum & emolumentis privatos, ac excommunicationis poenæ subjectos, decernimus; à qua non nisi à summo Pontifice, vel à Nobis, absolví poterint. Præcipimus quoque, in novellorum beneficiatorum receptione, iura statutorum ac vinalium ita exigi ac dividí, ne à radice omnium malorum, cupiditate, profecta, jure merito credi valeant. Gratitudinis etiam signa, uti essentialia non sunt, ita facultates dantium vel redditus beneficiorum ne excedant vel adæquent; ne legitima causa suspicionis Simoniae vel cupiditatis detur.

Quod jure communac Provincialium Statutorum Decretis, circa enorme usuraram crimen, laudabiliter haec tenus constitutum est, præsenti sanctione renovamus. Quapropter omnes & quoconque usurarios contractos, tam Laicorum quam Clericorum, quomodolibet contingent, sive in excessu pensionum ac præstationum, sive in emptionibus censuum ac reddituum annorum, damnamus, ac improbamus; & non solum contra tam abominabili vitio deditos, quam etiam notorios ministros usurarum, poenis à jure Canonico præscriptis, privationis scilicet, communionis & lepulture, condignaque restitutionis, arbitraria animadversione Nobis reservata, procedemus.

## DECRETVM IV.

*De Ecclesiasticis beneficiis, eorumque Collationibus, rebus Ecclesiae, ac Provisoribus.*

C Vm beneficia Ecclesiastica non nisi patrimonium Christi, ac Eleemosynæ, fidelium liberalitate concessæ, merito vocari possint, ideoque ad quos, tam de jure, quam alio legitimo titulo, eorum collatio spectat, diligenti studio advigilare tenentur, ut tales iis præficiantur, qui idonei, vita ac moribus commendabiles, ac Ecclesiis non inutiles futuri sperantur; electiones, presentationes, ac nominationes, aliqua forsan gratitudinis specie velatae, Simoniacam tamen pravitatem continent, caveantur. nullæ fiant resignations, etiam in favorem, cessiones, translationes, ac permutations, non aliter quam jure communi constitutum est, permittantur.

Hortamur etiam ac serio commonemus Collatores, ac eos qui jus præsentandi habere quomodolibet dignoscuntur, ne ministris suis familiaribus, aut etiam consanguineis, beneficia ita conferant, ut laborum stipendia esse credantur, aut, secundum carnem & sanguinem concessa, quilibet judicare valeat.

Quoniam, pluribus in locis, fundationes Ecclesiistarum, beneficiorum, & Capellaniarum, aut hæredes eorum, potestate, in qua eos Ecclesia hucunque sustinuit, abutuntur & abusi sunt, redditus beneficiorum mutilantes, luppenientes, & in propriis aut aliis usus convergentes; Nos sic mutilata, aut suppressa quomodolibet, non aliter ac attentata, revocamus, annullamus, ac restitutionem plenariam Nostra Episcopali autoritate, sub poena parate executionis, præcipimus; ac, ne de cætero simile quippiam fiat, sub poenis juris strictissime inhibemus. Monemus etiam Patronos beneficiorum, ut ea, quæ tam à sacris Canonibus quam Concilio Tridentino salubriter ordinata sunt, diligenter ac sedulo observent; ne Nos, pro munera Nostri Episcopalis debito, quos inqualificatos judicaverimus, repellere cogamur.

*Seff. 25.  
cap. 9.*

Et quia, quod dolenter referimus, multarum fundacionum institutiones esse vel perditas vel suppressas, earumque exemplar apud ipsos fundatores, seu eorum hæredes, sine dubio existere & conservari, justa ratione præsumimus; hinc omnes, ad edendum hinc sua jura intra mensem, obligatos esse volumus, sub poena denegande investituræ donec predictam præsumptionem coram Nostra audientia legitimis exceptionibus purgant; reservata nihilominus Nobis, secundum sanctiones, pro rata fructuum, debita impositione onerum. In altaris autem, cum juxta fundatorum mentem